

2017 te 2019: rond di 4 mil Venezolano a bin Aruba como turista y a keda

Minister di Husticia ta splica ki pasonan Aruba ta tumando encuanto peticion di asilo



ORANJESTAD (AAN) — Minister mr. Andin Bikker, titular di Husticia, Admision y Expulsion, a hiba palabra den conferencia di prensa di gobierno, Diahuebs. Na prome lugar el a elabora tocante e tema di asilo. E mandatario a splica cu Aruba ta forma parti di dos tratado specifico: e Tratado di Refugiado y e Tratado di Derecho Humano su articulo 3.

A base di e tratadonan aki tin cierto decretonan cu a wordo traha, atravez di añanan y ningun hende a pensa cu ta bay tin un situacion sin precedente manera tin aworaki cu nos pais ruman Venezuela.

E dignatario a expresa entre 2009 y 2013 e ultimo decreto a wordo cambia. Den dje tin cierto articulo nan cu algun stipulacion, cu e tempo ey no a pensa of no a anticipa na un situacion sin precedente cu nos pais, y otro paisnan bisiña ta experimentando door di e proximidad cu Venezuela.

Como cu e situacion na Venezuela ta desembocando den un nivel social-humanitario, tin personanan cu ta yegando na nos Isla. Tin di nan ta bin como turista riba invitacion, y despues nan no ta bay.

Minister di Husticia ta calcula cu for di 2017 te 2019 un average di un tiki mas di 4 mil Venezolano a bin Aruba como turista, y

despues a dicidi di keda. Den e periodo di aña pasa so, gobierno a deporta casi 2 mil persona.

Tin cu despues cu a wordo descubri trahando sin permiso a dicidi di bolbe nan pais riba nan propio voluntad, pero caso un gran cantidad a wordo deporta tambe.

Aworaki, e situacion ta cu personanan cu a wordo deporta ta haciendo uso inapropia di e procedure di asilo, cu nan ta purba via di aeropuerto bin bek, y nan ta purba, a base di e tratadonan, bisa cu nan ta sinti cu nan integridad personal ta na peligro y ta haci un apelacion riba e tratado y ta bay bao e procedure di asilo.

Ora cu gobierno a constata e fenomeno aki a traha un protocolo cu nan a distribui cu aerolineanan, cu ta haci servicio di Aruba pa Venezuela y Dialuna otro siman, merdia, e minister ta bay firma e protocol aki.

Tur e protocolonan aki ta encera, a base di e tratadonan existente caba, cu informacion di e pasaheronan mester wordo duna na Imigracion.

SISTEMANAN DI SCREENING

E dignatario a menciona cu loke gobierno kier bay na dje ta e sistema di APIS (Advance Passenger Infor-

mation System) y tambe PNR (Passenger Name Registration), cu ta sistemanan cu di antemano, di 48 pa 72 ora di antemano, ora un persona haci un booking caba, por dispone di informacion di ken tin intencion di viaha bin Aruba.

Si tin un persona cu tin prohibicion pasobra el a wordo deporta for di Aruba, e ta wordo prohibi pa e aborda e avion na Venezuela. Asina aki tin mas sistema cu gobierno ta bezig cu.

E mandatario a señala cu un persona cu yega Aruba y haci un peticion di asilo, ta un persona cu alomenos e tin e intencion di bay haci uso di e tratado aki. Sinem-

bargo ora e personanan ta bin den gran cantidad, manera entre 2017 pa 2019 cu un average di 4 mil persona cu a drenta como turista y a keda prolonga, y despues a disparce den ilegalidad, no por sa di antemano kico nan intencion ta.


E gruponan grandi aki ta bin bao invitacion di ciudadanonan na Aruba, cu ta duna garantia pa nan, y aki nan gobierno ta bay haci un analisis profundo y ta bay responsabiliza esnan cu ta invita un persona, para garante pe, y despues e persona invita ta bay den ilegalidad.

Esaki ta un par di pasonan cu minister ta tumando

aworaki y tambe a pidi asistencia di personanan cu a wordo instrui pa e proceso di asilo bay mas acelera, cu den un termino hopi cortico un persona cu ta bisa cu su seguridad personal ta na peligro, y pa motibonan humanitario ta haci un peticion di asilo den tempo cortico por tuma un decision y trece claridad pa e persona y pa pais Aruba tambe, riba e persona y su aplicacion pa asilo.

Asina, con e sistemanan tecnologico menciona por screen ken ta biniendo for di Venezuela pa Aruba y si ta necesario stop nan admision di antemano.

Pa bo keda conecta cu



WhatsApp

592-9684

- Pa bo potretnan exclusivo
- Pa cubri bo evento
- Pa raporta irregularidadnan riba caya

ABO TA NOS WOWO RIBA CAYA PA YUDA INFORMA NOS PUEBLO DEBIDAMENT